



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 1. Neapolitani Regni investitura Alphonso ab Eugenio denegata.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)



HISTORIÆ
ECCLESIASTICÆ
LIBER CVII.

EUGENIUS IV. PAPA.
SIGISMUNDUS OCCIDENT. JOANN. VII.
PALÆOLOGUS ORIENT.
IMPERATORES.

§. I.

*Neapolitani Regni investitura Al-
phonso ab Eugenio denegata.*

Confirmaverat equidem Eugenius Pa-
pa Renatum Andegavensem in jure, Sæcul. XV.
A.C.1436.
quo Regni Neapolitani hæres nun-
cupabatur. Attamen Alphonsus Arra-
gonum Rex immoderata ejusdem regni
potiun-

Sæcul. XV. potiundi cupiditate agitatus, Duce Bugeundo Renatum adhuc captivum detinente, opportunam nactus est occasionem, qua libere regnum invaderet, atque a potissima Neapolitanorum parte Republicam proclamaretur. Cum vero hoc soliman recens obtentum infirmis admodum nitetur fulcris, & aliunde Renati Andegavensis Fautores vehementer sese opponerent, Alphonsus Eugenii Papæ gratiam aucupaturus, se eidem adversus inimicos suos auxilio futurum promittit, atque ab Eugenio, quamvis id genus obsequii respiciente, nihilominus Regni Neapolitani investituram postulat, qua denegata Rex, quæ precibus obtinere non poterat, minis extorquere molitur, istis tamen nequaquam constantem Eugenii animum flectere poterat; Hic enim Renati Andegavensis jura tueri sollicitus, ægerrime ferebat, hunc insuperhabita inhibitione ab Alphonso opprimi, & malis ejus artibus a regno excludi, cujus tamen legitimus hæres a Joanna Regina nuncupatus esset. Etenim, licet Alphonsus, ut obtendebat, ab eadem Regina adoptatus fuisset, nihilominus hæc adoptio justissimis ex causis, & juxta legis præscriptum revocata fuit, nec ipsam quam allegabat Martini Pontificis confirmationem proferre, nec illa in Ecclesiæ Romanæ tabulariis reperiri, imo nec

Surita hist.
Arragon.
l. 14.

ullus, qui de ea testimonium redderet, Sæcul. XV.
A.C. 1436.
 testis produci poterat. Pontifex his rationibus motus ad iteratas Alphonfi querelas respondit, siquid juris ad regnum se habere existimaret, depositis armis, belloque dirempto illud coram Sede Apostolica prosequeretur.

§. II.

Alphonsus favorem Concilii aucupatus.

Alphonsus hoc responso vehementius commotus, publice Pontificem redarguit, merita, quæ Sedi Apostolicæ præstitisset, exaggerans; quamvis, si quæ eidem contulit, potissime proprium commodum respexisset, nec ita pridem Terracinam, quæ urbs ditionis Ecclesiasticæ pars erat, a se occupatam restituere renuisset. Itaque ut acerbius adhuc Papam vexaret, Basileensi Synodo adhæerere decrevit; quem in finem datis literis Patres hortatus est, ut cuiuspiam negotium darent, qui Romam, & reliquas Romanæ Ecclesiæ ditiones invaderet, se quoque eidem validam opem præstiturum, ut ambo junctis viribus hæc bona sacræ Sedi vel Ecclesiæ denuo assererent. Ast specioso sub hoc obtentu re ipsa Ecclesiæ statum sibimetipsi vendicare meditabatur. Postea iteratis ad Papam literis

Surita hist. Arrag. l. 14.

ris